



東山集

右 録

左 録

~16
2432
1





余自多稔聞先進緒論盛推東
山詩為大家數而吾先子嘗謂
德水之李自容齋未百年而又
出東嶽異哉余已心識之稍壯
得東嶽公所著述讀之雅欲執

鞭碩公與世抹撥細隍州郡余
之罹罔廢屋絕造請餘十年以
每獲公詩輒忘寢食懃肖吾世
不失之也歲丙寅公從峽纍得
賜環歸余馳一騎訪公於郊扉

公迺大愉席地命酒輸瀉生平
遂稱忘年交余後巡不敢崩而
自是益習於公公之愛士出於
天性其以傾嚮出肝肺相示不
計死生利害於其所不契不少

假色辭可見然語之重法之酒
間揚挖古今意氣脆驥時露其
奇而譁咲唾罵無非詩者然其
一字一句插擢彌日而訖然後
知公深於詩道非人所能及也

高世之行絕人之操之以範俗
峻局宏材有大過人者而不小
需于世廩用其以術於民社以
至稱神明而綜理深密有陶士
躬之風豈真詩道嘉道於吏也

我晚際位 遇遂躋宗伯步武
文衡屬望方隆而公竟謝病不
拜自投湖節杜門養痾丁丑以
後尤無言於世一日盡發其籍
示余握手感歎余於公晚合乎

不可謂不更知也公歿而公集
始仍澤堂公均序於余意先進
之論已定於公集未移之前無
所待而自不朽矣後或者誰任
其責第惟 本朝任人之效莫

東坡集卷之四
盛於成 宣兩朝而東方蘇
明熙洽之會英翹林、孰不
名聞壘奧自鳴一豕言而應
兩朝大家皆歸於德水蓋其
地靈毓秀黼黻一代之文治理

固然矣以天下之大唯巴蜀號
多產文章士確褒之後青蓮勃
興五三蘇挺生眉山卓犖為
古事容齋東嶽雖生於偏郭
祖孫趾繼澤堂後出三主詞盟

德水之於眉山奚少讓焉此吾
先子之所以興發也公自謂少
善賦誄棄之治古風涉蹊徑又
棄之七言律取難工用方於斯
十年云是以學之操觚者於公

律法尤無間然易所謂富有而
日新者其庶幾焉公諱安諤字
子敏容齋相國行之曾孫澤堯
名植大德守志容齋之刻孫實
撰定公詩以傳于世

歲舍己卯嘉平平山申翊聖謹

序



東岳先生集卷之一

北塞錄

萬曆二十七年歲己亥秋

八月二十六

日丁酉以承文院權知副

正字陳拜成

鏡北道兵馬評事九月初四日庚戌辭

朝而行十月初四日庚辰到鏡城明年

庚子三月二十一日甲子引病而歸五

月初四日丙午次揚州海村翌日端午

入京城自拜辭至還京二百三十八日

遠征行

東岳先生集卷之一



邈彼幽朔城苦哉遠征人遠征誰不苦在家常
患貧貧也無以養去矣徒酸辛念我遊方日逝
作入幕賓儒衣易戎服日下聞天垠戚戚拜高
堂依依辭比隣切切別弟昆遲遲出城闈東郊
罷飲餞北走向邊塵迢迢單于臺杳杳交河濱
征路有長衢征車無回輪一步五反顧十里九
逡巡隱隱終南山悠悠清漢津行役日復遠愁
思日復新茲鄉風俗殊豈有平生親衝飆振孤
蓬黝雲蔽蒼旻離鴻叫將夕榆葉飛霜晨悽悽
歲暮心冉冉羈旅身王陽爲孝子王尊爲忠臣

所思良在斯我志俱未伸嘆息歌此曲掩抑難
重陳

鴻鴈吟二篇

鳴鴻復鳴鴻鳴飛上碧空碧空秋正寒朔風吹
羽翰朝辭遼海雪暮宿蒼梧月兩兩各儔儷行
行能識序巴陵之岸彭蠡浦飲啄嚶嚶自相聚
鳴鴻鳴鴻鳴莫苦爾不見塞上征人遠別離母
子兄弟無見期

鳴鴈復鳴鴈鳴飛歲方晏歲晏南歸雲水鄉滿
湘洞庭天微霜莓苔滿岸菰米多地曠人稀無

網羅長空杳杳羽翮輕落日茫茫洲渚平去寒
就暖識所之沙宿風彌無不宜鳴鴈鳴鴈鳴莫
悲爾不見漢陽遊子衣裳單嚴冬北走關山難

梁文驛敬簡峒隱李

義直長時住永平

古驛秋風立馬看白雲山在白雲間麻衣道士
山中卧應笑行人苦未閑

金化栢谷謁車明宰

榆塞征驂到栢臯抄秋佳節逼登高我如幕府
參軍孟公作田園處上陶二子風流同此日一
樽諧笑復吾曹興來不覺辭家遠覓筆題詩句

自豪

九月九日題金城館

客與重陽至官樓日欲斜風霜驚節物書劍愧
生涯候鴈南飛盡征途北望賒諸兄故山下應
復泛黃花

金城苞桑閣謹次車明宰韻

公為縣令時

曰苞桑閣蓋以新經壬辰海賊
兵火故用寓其亡可保之義也

陶令分符地橫琴有小堂溪山相映碧窰戶自
生涼扁額憂時切題詩引興長高風邈誰嗣今
日卧柴桑

重陽宿昌道驛

夾溪楓葉正酣霜故里黃花入夢香卸馬驛亭
人不見強將詩句作重陽

九月十五日求興許使君幾衙軒作

秋風作客意難裁清夜高堂幸暫陪明月自從
今夕蒲黃花却似故園開百年行役添詩卷萬
事乘除附酒盃惆悵一聲雲外鴈南飛何用有
餘哀

許明府衙軒菊花盛開乃公手植蔭以白
茅使不為風日霜露所悴傷也即席命賦

率書以呈

北來無與賦新詩行到雙城試一卮護得風霜
留節意使君心事菊花知

咸興府作

石城殘日駐征鞭綺閣清秋敞別筵兵後人烟
新邑里沛中王氣舊山川黃花佳節經重九白
草長途問幾千日極江南心已折不堪關嶺更
磨天

咸關嶺

鐵嶺百折險咸關千仞高登登勿復歎去去寧

東晉書卷之一
為勞人情變雲雨世路劇風濤自昔既如此我
行唯所遭

洪原縣

洪原會是我并州十口飄零寄一丘日下戰塵
纏鴈塞草間啼血望龍湫飽經憂患身仍倦早
向功名計已休千里重來八年事海雲殘照迫
生愁

壬辰倭亂行宮駐義州
義州有九龍洲故云龍湫

北青府

弱歲會從此路行天涯徒步避蠻兵烟塵漠漠
迷寒日風雨冥冥蒲古城駟馬忽如題柱客關

門誰識棄繻生逢人欲說當時事閭井依然草
樹平

利城縣

漢陽城關閭兵塵誰識壬辰作戊辰芝蓋西巡
關塞日麻鞋北走路歧身八年重到羈危地萬
事真如痛定人迢遞高樓仍望遠海山依故眼
偏新

壬辰海寇之亂余嘗奉親來竄北關癸巳
正月轉赴關西右三作感舊述懷而作也

端川館敬次圃隱先生韻

長路何時盡征人去不休孤城三嶺表別業五
溪頭落日懷親淚秋風出塞愁况經逃難地獨

立吊哀丘

磨天嶺

磨天之嶺上磨天天險難升何屹然拓地開邊
幾萬里鑿山通道應千年下臨東海渺無際仰
看北辰高在顛北御回車北日意一身忠孝孰
雙全

嶺東館

大嶺橫天半虛亭傍海濤塞雲飛不斷卽路夢
難尋去國孤臣淚防邊老將心秋風一夜宿百
感病相侵

烏道關山外秋高日易陰星分南斗遠地入北
冥深區域并夷夏風雲自古今四方男子志長
嘯此登臨

夕陽初下嶺洪浸正吞空曠色來天外秋聲滿
峽中楚鴻歸欲盡關路去無窮飄蕩浮生事孤
吟向北風

臨溟館

山椒孤館俯滄溟秋水長空一漾青人帶夕烟
歸古驛鴈驅寒雨過遙汀邑氓半作胡兒語關
嶺多非漢地形回首神京幾千里塞天霜角不

堪聽

酬別李正郎英實之

朔庭初佐幕版部舊潛郎失路元同趣分裾况
異鄉日沉關樹暗山斷海雲長不敢回頭別南
天正杳茫

附元韵

兵馬新書記風塵一老郎相看非故國作別
又他鄉北望雲沙闊南歸道里長關心驛亭
酒離恨兩蒼茫
完山李實之

吉州途中

九月關山道天寒雪正頻可怜南去鴈應笑北
征人獻賦身名晚論兵意氣新平生白羽扇直
擬靜胡塵

附次韻

寥泬天河迥驚鴻叫侶頻俱懷窮歲恨尚作
遠途人萬事星霜換三秋鬢髮新看君矜羽
翮元自離風塵
實之

雲委院

山上平蕪接大荒孤城北望路何長兩岸中坵
雲巖壑一澗分流石作梁近塞地形多險絕經

秋客意易悽涼
虛亭日落行人斷
獨枕征鞍夢
故鄉

輸城館謹次故東萊宋府使象韻

壬辰海賊之亂也公以東萊府伯嬰城
死守及夫城陷之日正其衣冠坐以待
賊僕嘗聞風凜然心慕其忠烈今到輸
城驛得見公所題絕句歲辛巳通判鏡
城時作也其平日惓惓愛君戀國之誠
溢於尋常文字間圭復在誦益使人起
敬起感焉謹次其韻一以寓歆艷之私

一以寫羈離之懷云

會聞朝服死孤城
正值青丘觸駭鯨
古驛忽看遺句在
識公丹悃本葵傾

少年行樂洛陽城
豪飲真同吸海鯨
萬里羈遊懷舊事
驛亭殘日自西傾

輸城途中

黃蘆無際黑雲低
馬首東來路漸迷
回指秦山何處在
一竿朝日出天西

雲頭城

轟轟雲頭城下枕
長河灣巖崖幾千丈
巉絕不

可攀下馬步踟躇顧盼開愁顏玄冬天地肅朔
風振枯管單于古臺上慘淡雲氣頑杖劍背落
日笑指闕氏山手撚鐵絲箭弓如明月彎仰落
雙鴈飛俯殪雉子斑從軍良所樂浩歌心自閑
丈夫四方志何問夷與蠻揮鞭出門去有去無
思還馳騫及少壯不復數險艱終當披介冑沒
身沙磧間誰如班定遠生入玉門關

觀宴蕃胡

龍城十月宴渾邪八部名王擁虎牙聒地晴雷
金鼓振掣雲驚電鐵槍斜天山不用遺三箭沙

塞如今作一家歸到漠南應問訊將軍新得李
輕車

奉陪李節度使一作北巡邊城而作近體九

首

十月十一日到慶會寧府

北庭都護大將軍十月翻營古塞門河際長城
封漢地石頭高壘壓胡雲天寒曉色千旗動日
落邊聲萬馬喧見說單于仍遠遁黑山從此絕
妖氛

右會寧府

平明吹角出重城蕃騎千群走馬迎旗脚颭天
雲不斷甲光搖日雪初晴將軍膽略吳公瑾叅

佐風流晉子荆關塞莫論行役遠直勝章句作
書生

右高嶺鎮

黃雲城外黑江濱磧遠沙平不見人雪裏陰山
真面目劍頭寒月更精神營門欲閉吹笳急戍
卒無譁出彌新談笑已教龍塞靜會看形像盡

麒麟

右鍾城府

玉勒金鞭出塞垣曉臨滄海暮河源李陵臺迥
胡雲冷趙信城高漢月昏要識丈夫心上事肯
爲兒女手中魂腰間寶劍光如電誓斬樓蘭報
國恩

右潼關鎮

甌城古府是天涯一派長江界九夷磧裏雲沙
著帳暗隴頭風雪戍笳悲百年憂國空彈劍萬
里從戎更賦詩中夜向南看北斗不堪歸夢繞

丹墀

右穩城府

訓戎雄鎮壯臺隍聖代提封盡大荒黑水東連
青海闊黃雲北接白山長登陴撫劍軍容肅橫
槩題詩筆力強却笑儒冠誤身世十年辛苦守

澄囊

右訓戎鎮

候騎長驅淨塞塵陣前搥鼓動天垠五營兵馬
兼都護六鎮山川古女真白鴈落弦弓月滿碧

虬蟠匣劍花新邊庭此日渾無事惟向平原校
獵頻

右慶源府

年少青油幕下宿曉隨車騎渡河津貔貅十萬
驅前隊組練三千擁後塵天接海營雲潑墨地
窮沙磧雪堆銀男兒不解從軍樂只是人間一
婦人

右阿山堡

絕塞陰風卷地吹天山積雪滿空飛元戎曉出
金河遠壯士前驅鐵馬肥鼓角寒聲驚大漠旌
幢霽色耀清暉龍庭萬里烟塵靖行遍蕃城破
陣歸

右慶興府

幕府述懷二十二韻

幕府今求士轅門古用文陳琳魏記室孫楚晉
叅軍述作千篇在聲名四海聞不才空自笑異
代可同群地與東溟合天從北斗分朔城秋漠
漠胡騎日紛紛拔擢初收迹驅馳敢息筋嘗懷
和氏璧竊比野人芹贈粟三千斛揮椎四十斤
男兒重意氣少小慕英芬班筆投仍久終纓請
更勤着鞭輸壯歲鳴劍指妖氛妙策資韜略高
詞閱典墳曉辭金陛月宵度鐵關雲白草陰山
側清霜黑水漬出營森電戟臨塞殷雷響故戍

東坡集卷之二
依寒磧邊烽趁夕曛無論能草檄只擬早銘勳
坐貧油幢晝行看毳帳焚嫖姚罷征戰蘇韜事
鋤耘公輔雖慙謝風流豈讓殷平生忠義志願
報 聖明君

從軍行三首

白馬青絲鞚行隨霍冠軍下營沙磧月縱獵隴
山雲落日明旗脚清霜刮劒文燕然如有石早
晚勒奇勳

自作三軍佐仍成萬里遊風生白羽扇雪擁黑
貂裘教陣臨河畔移營出隴頭小儒君莫笑行

取義陽侯

歲暮居延路嚴風透戰袍馬跑關雪暗鵬放磧
雲高報國身方健臨邊氣益豪長歌塞下曲含
笑看霜刀

安原途中

連山無樹野無人塞下年年不見春唯有古時
征戰地雨淋癩骨半成塵

題撫夷堡

秋風吹度穆陵關行盡黃沙幾日還西望長安
二千里撫夷城上倚天山

擬古從軍五更轉

一更吹角閉轅門探騎皆還候火昏樓上征人相戒語將軍令肅不宜喧

二更城外悄無人城上誰何擊柝頻知有軍中新令在夜寒金甲不離身

三更星斗漸闌干白日如鉤掛黑山忽報雲中明遠火單于獵罷夜深還

四更更鼓四回過霜蒲城頭起亂鴉恐有胡兵乘曉入譙樓杖劍望邊沙

五更更盡曙鍾催鐵鎖重關四面閉自此三軍

了無事邊頭日出靜風矣

凡軍中
報夜每於
未必報

月夜聞笛題會寧南樓

古塞吹銅笛高城月欲斜初聞折楊柳更奏落梅花虜地風霜苦秦川道路賒防秋十萬士此夜盡思家

出塞曲

兵車曉出聲鑼鑼鐵騎蹴踏冰河裂龍旗焰焰半空赤金甲寒光照玉雪將軍號令肅如霜邊草蕭條飛鳥絕陰風歛起吼大漠掃盡天山雲氣黑枯槁烟滅北落明燕支婦女無顏色

入塞曲

白龍堆上曉雲空一片塞月光如水朔風蕭蕭
動枯草烏鴛飛集單于壘日暮撻金征馬回紅
旗半卷清霜裏陣前齊唱破陣曲壯士歡聲四
面起劔花秋蓮鎖玉匣長城屹立三千里

豆蒲江歌爲節度使李令公作

豆蒲之江出自白頭山其源滌滌流淙淙東馳
千里入于海溶溶濔濔無濤瀧江兮江兮既不
能汪汪百頃深莫測又不能洪波巨浪相舂撞
逶迤一帶可徑度曷足固我三韓邦將軍虎頭

英雄姿膽氣蓋世無與雙勇如背水破強趙智
如斫樹收窮龐金戈鐵馬日邊來擁此塞上之
麾幢白羽指揮威風生青油談笑群戎懍旄頭
曉落沙漠清戍壘不聞金鼓撻胡天漢地咫尺
分關鑰夜啓眠老獬天驕豈敢來牧馬稽首轅
門爭乞降嗚呼壯哉畫界南北限華夷在我將
軍非在江

北門行

十日十大風五日五大雪雪落千丈積風振萬
木折本是苦寒地况乃苦寒節玄冥弄陰機顛

東坡集卷之二
項威甚烈慘慘頑雲興稜稜朔氣竭羲御東南
馳豈肯迴其轍天地晝黤黯短晷難為晰冰峯
矗層穹瀚海流澌結陽春何時至品物恐盡滅
蚪龍死幽壑羸豹僵深穴而我無生意肌肉凍
欲裂熾炭不覺煖挾纊冷若鐵為語南州人勿
冀南州熱寧作南州鬼不願北門活北門歌正
悲聽者亦悽咽悽咽莫重陳北門不可說

長相思效古作

長相思白雲飛度鴈門關長相思明月碾出燕
支山燕支山下人未還鴈門關外路漫漫雲飛

月出無盡時朝朝暮暮長相思

答許子賀補判官書君時寓永興

鄭重陽川子緘書寄幕賓共來窮塞路更作異
鄉人疊雪陰山下孤城渤海濱新詩君莫問弓
劍鎮隨身來書有出塞遠遊之語故云

會寧南樓夜起書感

月照孤城雪正堆戍樓何處角聲哀不堪中夜
思親夢千里長安半道迴

十月初八日甲申初拜節度使於甫乙下
僎因隨而行北巡列鎮十一月初八日癸

丑還鏡城十五日庚申以六鎮流民推刷
事赴吉州

大嶺磨空雪擁關朔城何處望秦山窮陰漠漠
三秋後長路迢迢九鎮間目斷白雲思鶴髮夢
歸青瑣拜龍顏浮生莫作天涯客不待流年鬢
易斑

日夕書懷

悄悄重城閉嗚嗚短角鳴臘天寒更碧邊雪夜
還明戍久征人色羈孤病客情此時同悵望河
漢接瑤京

除夜二首

時到吉州

關塞天東畔風雲海北垓戍樓寒角咽賓榻小
燈懸明日年三十吾鄉路一千狂圖成自誤獨
坐看龍泉

向夕寒風急愁雲暗塞隘可堪親老日更值歲
除時身事貧非病關河窄是羈不眠聽曉角歸
已隔年期

庚子元日

冷落三元日棲遑一病身未因朝魏闕誰更壽
慈親歲律都非故羈愁亦自新清晨塞州吏空

復賀迎春

元朝憶兩兄

鄉信無憑寄一緘春風吹淚濕征衫
弟兄今日屠蘇飲還到先嘗憶阿巖

巖乃余小字也

酬寄李正郎實之

吾怜體素子留落索居頻憂世仍今日
論交更幾人峽村雲物異關路歲時新
會作歸田賦同

君避俗塵

君時流寓鐵原

潘岳初為掾楊雄晚拜郎文章多薄命
夫子老窮鄉鐵嶺臨關峻金河繞磧長
無因報清什天

畔立蒼茫

附元韻

驛亭離別後清暗夢中頻我逐隨陽鳥
君為八幕人路長書未寄詩老興逾新
北塞風沙盛荷衣莫染塵

為問青油士能思白髮郎即今當路地
堪笑涸陰鄉峽裏風霜若閤中日月長
詩筒憑驛使回首恨茫茫

體素齋李實之

古豐山館次板上韻

征馬初休駕歸禽未定棲驛樓寒日沒
關路亂

山齊病後身逾倦春來意欲迷
幾時投綬去垂釣錦江西

新春書感

腰橫白羽臂驛弓行逐戎旃歲已窮
地極但看當此斗春來何處起東風
孤城缺月懸愁外故國閑花落夢中
早晚還家定相訝去時年少却成翁

思歸曲題鍾城行營評事廳壁十首

吹角城門閉天涯客斷魂家書何日到南望又黃昏

日落大荒外孤城風起沙黃雲四面合何處是

京華

中夜關山月遙應照上京蕃兵解吹笛更作落梅聲

沙磧接雲平單于古戰庭天陰聞鬼哭寒燐夜

中青塞外無草木暮鴉城上棲陰風吹不息還與夜深啼

冰雪天山路春來客未迴東園早梅樹今日幾枝開

吾聞黑龍水來自白頭山安得三千騎長驅勒石還

少讀太公法常為梁甫吟英雄在遭過歸去老家林

寶劍蓮花鏑清霜拂斗文人生不稱意歸卧故山雲

未試平戎策常懷戀闕愁春風吹塞雪還着旅人頭

得家書

絕塞從軍久未還鄉書雖到隔年看家人不解

征人瘦裁出寒衣抵舊寬

寄家書

欲作家書說苦辛恐教愁殺白頭親陰山積雪深千丈却報今冬暖似春

塞遠山長道路難蕃人入洛歲應闌春天寄信題秋日要遣家親作近音

元帥臺

臺在鏡城府南海上

元帥登臨有古臺野平天闊露崔嵬白山水雪千年積碧海風烟萬里開鯨蹴怒濤吹地轉鴈拖殘照拂雲迴憑虛目極蒼茫外直欲飄然出

九垓

鏡城府評事衙後有方庭可一畝許余於
春日乃命官僮左植松一株右栽杜鵑花
十餘本子曰歲寒然後知松栢之後凋也
故取以礪余臨事變不易之操杜鵑古蜀
帝魂也唐詩云聲聲啼血染花枝故曰杜
鵑花託以伸余尊君戀闕之意繼此而來
者有與余同趣則其封培之

有松三尺強生彼北山冢踈柯稍偃蹇老幹頗
擁腫戒徒擢其根乃向庭前種浥之以清泉沃

土屢培壅豈止蔭堦除未忍委丘隴獨坐靜相
對肅爾心神竦忽起巖壑想使我忘煩冗要者
玄冬時風勁雪霜重貞姿翠不改直氣寒逾聳
自託平生心敢期大厦用作詩告後人剪伐吾
所恐 右栽松

杜子拜杜鵑重是古帝魂况茲花枝間尚有怨
血痕我來揄塞外關嶺隔天閤逢春歸不得幽
思誰與論忽聞杜鵑花初發城南村曉雨適新
晴命徒移其根使之樹庭隅于以對前軒傍人
輒相哂問我意所存時物競芳妍桃李開正繁

子何獨愛此封植無憚煩俛默空自嗟望彼北
辰尊 右種杜鵑花

夢江南

征謀治法兩何叅羈宦經年病不堪古館寥寥
無箇事一簾春雨夢江南

塞上曲

三月天山草未芽笛中空奏小梅花春風若到
黃沙磧塞上征人更憶家

次權汝章見寄韻

天涯病初起春晝坐如年此日花山子新詩萬

里傳

附元韻

江漢春風起離懷又一年南飛有鴻鴈書札
儻相傳

秦京夢二章

秦京夢夢入秦京飛玉輶蓬萊初日照高棟九
重閭闔開丹鳳雲間白鶴群仙控瑤皇坐受萬
國貢玉帛盈庭竒寶象變龍朝罷臨軒送臨軒
送如何不歸去空作秦京夢

秦京夢夢入秦京蘭若洞

余家在京城中樂善坊俗號墨寺洞

有寺古縹桃香逕晴禽弄寒渠瀉碧銀瓶凍月
址故云彩凝霜天宇空昭華玉瑄梅花弄綠螳壽醅凸
金甕壽堂和氣酒欲中彩服婆娑舞伯仲舞伯
仲如何不歸去空作秦京夢

望長安四章

望長安長安宮闕彩雲端獸闥初開曉漏殘玉
階仙仗集鴛鸞柱下官柱後冠朱衣引入上金
鑾瑤環瓊珞響珊珊響珊珊能不望長安

右有懷闕下

望長安長安城西湖水碯潮落江空殺雪湍白

鷗飛掠鏡光寒楊子灣蓼花灘十里平林霜葉
丹一聲漁笛月團團月團團能不望長安

右憶玄石江舍

望長安長安城北雲木攢石峯三角高嶺岼下
有蝸廬天下寬蔬一盤飯一簞詩書可讀琴可
彈生事不豐心自歡心自歡能不望長安

右憶海村田庄

望長安長安城東大長干芳草連天霰雨乾楊
津水暖漲微瀾凭曲闌對層巒烟抹溪橋日兩
竿酒酣高枕夢邯鄲夢邯鄲能不望長安

右憶臺山別墅

三月三日悄悄獨坐不得飲一盃酒

絕塞逢三日窮愁關一盃極知春氣晚不見杏
花開水暖藏魚寺山晴舞鶴臺年年踏青地迢
迢首空回

舞鶴亭在臺山別墅

客裏逢佳節四首 三月三日作

客裏逢佳節天涯憶故人綾羅性踈嬾竹樹意
清真筆下詩多態樽前興有神追歡更何日徒
此別愁新

權君朝汝章安東人綾羅號竹樹

右憶權汝章具大受

客裏逢佳節天涯憶故人城南芳草路江北綠

楊津走馬穿花市携琴入酒鄰向來今日飲回

首迹成陳

任君鉅寬甫家在日坡故云城南趙君緯韓持世賃居西北岸上

右憶任寬甫趙持世

客裏逢佳節天涯憶故園春深揚子渡日暖杏
花村畫閣歌鐘發芳堤車馬喧太平行樂地零
落幾人存

右憶玄石江舍

客裏逢佳節天涯憶故園鶯啼漢陽樹花落廣
陵村曲渚移蘭棹繁絃侑玉樽舊遊渾一夢愁

絕與誰論

右憶臺山別墅

幕府書懷

評事為官古掌書只今閑與野僧如
三春幕下棋消日萬事人間丞負余
携鏡可堪身易老請纓方覺計偏疎
最怜玉匣雙龍劍紫氣猶能射碧虛

庚子二月二十一日發鏡城還京

絕塞冰霜病欲纏春風作伴便歸田
書生佐幕成何事却笑官僮哭徹天

時硯直房子之屬皆
擲馬以哭故戲書示

之

三月三十日癸酉題吉州館去年九月三

十日丙子亦留于此故書以志感

去年吉州秋盡時行人北走鴈南飛
今日吉州送春日鴻鴈北去人南歸
天時在苒適寒暑世路崎嶇多是非
避就識時俱得地自嗟形役與心違

萬曆二十八年暮春之晦余與都事晉

山姜君信弘耐村居山寮訪坡平尹德

耀煌魯谷遇于吉州相與聯鑣同遊于

明川縣之七寶山是日詰朝發自吉州
東北行三十里憇于黃土洞向東行又
折少北可二十里到雲住寺宿寺舊名
義正殿明即四月初一日甲戌也由南
而東踰門巖嶺迤北行又踰歡喜嶺憇
于開心寺去雲住約五十里步自下馬
臺緣嶺而南又轉山而北直抵金剛窟
去開心五里而遠乃上會象臺以一山
之千狀萬象俱會此臺故林彭城名之
其所謂觀音來神弟子係宗青松龍穴

等窟層嶽峭壁路皆險絕下可得以登
覽也是夕宿開心翼日登寺後峴名開
心臺遂還于吉州山在吉北東七十里

許嘉靖壬寅三月彭城林公亨秀以
會寧判官秩滿而歸遊是山有記

黃土洞途中

行窮黃土洞左右皆蒼崖溪花開不筭谷鳥鳴
自啻豈謂關塞遠有茲山水佳幽尋不憚險聊
用寫高懷

題雲住寺

Y 礪交流石角尖古庵松檜偃蒼髯春晴恹鳥

鳴幽逕日暮寒雲宿短簷文字平生終是閩溪
山隨處未宜廡老僧相見還無語坐對爐薰手
自添

山行即景

山前四月多芳草山中萬樹梨花早山頭積雪
霽色皓山腰落葉無人掃同遊諸子共絕倒一
日風光四時好夢魂此地不會到恍然如入蓬
萊島誰能摹寫着纖縞歸去人間詫幽討

門巖嶺

僧言嶺山山神最靈不喜俗人故
遊人到此少逢清霽必霧雨作祟

虬盤鳥道跨層霄地秘名山天作限巨巖中劈

壯玄關下指仙峯皆在眼沙彌羅拜絕頂前軒
以清泉奠一盞金烏出海六合晴萬朶芙蓉高
巉巖竒遊已得靈祐多策杖飛步凌雲棧

下馬臺

暫憩開心寺仍登下馬臺谷呀雲窸窣山東雪
崔嵬石寺空中閣松風地底雷金剛最竒絕幽
興自相催

金剛窟

法界曼以邃靈峯竒且峻巨壑不見底峭壁立
萬仞崖明絳霞霽磴滑蒼蘚印琪樹春自綠玉

雷晴猶潤寔惟象聖居天宗儻可覲瓊笈留秘
錄金竈餘寒燼凌虛縱高蹈涉險仍直進大千
如在掌浩劫才一瞬學仙常謂誕訪道方知信
冥觀渾色空細想遺慳吝牧馬害已去解牛得
遊刃山有便入無即真非妄認願託不死庭羽
化聊奮迅手掇紫芝英長嘯溪谷震五雲生脚
底天風颯兩鬢白鶴忽飛來恐是王子晉

會象臺

早歲曾聞寶嶽名遠遊今日愜幽情鑿開大塊
天機巧撐出層峯石勢獍劒戟直排黥布陣樓

臺高壓化人城群巖更作如來像却訝身從佛

土行

山之峯巒或如戈戟之聯立樓閣之結構
千佛巖羅漢峯又如衆神之儼然拱立也

寺巖

維山峙朔方獨以神秀稱群峯斲恠石巉絕誰
得朋其中最奇者寺巖高峻嶒屹立碧空裏觀
閣開千層瓦縫若鱗次甍棟鬱相承是時雨新
霽杲杲朝旭昇戶牖粲可數參差出觚稜平生
飽殊勝如許見未曾不有造物工刻畫果孰能
聞道絕頂上六月寒兢兢世尊住在茲說法演
十乘天花散異香白日明慈燈願吾泝真源梯

雲試暫登稽首禮諸佛妙教潛服膺金篦刮眼
膜水月瑩如水惜哉是天堂俗子何由陞山神
甚靈異明晦各有微煩惱儻未除氛霧晝陰凝
苟有清淨心修復天景澄頃刻異氣候茲理詎
無憑則知神報施有如人愛憎寄語後來者到
此宜自懲斯言豈妄傳問諸山中僧

開心臺

暮宿開心寺朝上開心臺轟轟千佛峯恐自西
域來壁立幾千丈上挂北斗魁寺巖自天作傑
觀高欲摧簷牙若翬飛閣道執繁回奇恠難具

論斷琢萬象該厥初孰創茲造物信壯哉興公
奮藻翰但知賦天台四明敢伯冲五嶽皆輿儻
真仙所窟宅玄聖相追陪回瞰紫霞洞朗詠且
徘徊

還過歡喜嶺小憇溪上

石路緣崖轉蒼峯上插空鳥飛花影外僧語澗
聲中岸幘聊臨壑開襟且溯風孤雲有底事日
夕起溪東

自歡喜抵門巖兩嶺之間水石甚佳有與
心會輒下馬逍遙久之乃去絕句二首

洞門春晚樹陰稠步入青苔坐石頭忽喜山中
幽事足閑花一片墮溪流

一宿名山萬事幽征驂臨發重回頭烏啼花落
松門路曲曲清溪步步留

雄城館留別尹德耀行到嶺東館走筆回

寄二首

嶺東孤驛對斜暉回指雄城烏自飛此去雲山
隔千里夢魂難到信書稀

塞城春盡不知愁一笑樽前十日留回眼忽驚
人已遠亂峯殘照獨登樓

磨谷館代人戲贈

萬疊青山古驛樓杏花零落水空流雙飛蝴蝶
雙飛燕捻是征人無限愁

福州館戲書二首

楊柳陰深花映紅碧窓簾箔玉瓏鴛鴦對浴
迴塘雨蛺蝶分飛小院風漏箭報遲春晝永爐
烟縈細畫屏空相思不是蓬山遠只在蘭堂粉
壁中

寶鴨香殘錦帳空細簾半捲玉闌東小池荷葉
抽新綠別院棠花墜晚紅雨點和烟沾乳燕雲

陰垂地度歸鴻多情不有高唐夢凋盡年華此
夜中

承聞李節度使乃於庚子四月十五日躬
率戎士直擣賊窟問罪老士口誦近體一

首老士乃富寧
藩胡商名也

書記南還日將軍北伐年風雲開部曲鼓角動
山川一舉胡塵息千秋國史傳平生班固筆恨
不勒燕然

無題代人寄遠

寄語鍾山小莫娘至今能憶謫仙郎郵亭寂寂

空春草關路迢迢自夕陽客子宦情蟬翼薄羨
人離恨繭絲長雲飛雨散無消息回首東風獨
斷腸

戲題高山館

千里還家一弊衣錦囊無底足新詩高山驛吏
翻相問何事行裝似去時

東岳先生集卷之一

北塞錄終

東岳先生集卷之二

朝天錄

萬曆二十九年辛丑 皇朝討平播賊
揚應龍進賀使鄭同知光績之行也以
書狀官赴燕京夏四月二十八日乙未
拜辭六月初二日戊辰渡鴨綠江而西
十月初十日甲戌還到義州十一月初
四日戊戌復命自拜辭至還朝凡一百
八十四日

慕華館示送行諸君子四月二十八日未

男子四方志爾何悲別離自從供世務不得顧
吾私龍塞水天闊燕城火日遲北堂年七十豈
是遠遊時

坡州馬山驛作

迢遞西征第一亭邑居寥落宿郵廳溪邊送別
人何在野館登臨酒易醒旅鬢應添千丈白鄉
山已隔萬重青從今鶴髮門前望直到秋天候
使星

五月五日黃州道中

海東端午似清明驛路家家綠索輕惆悵故園

香火廢棘城殘日向燕京

重午行

去年重午入塞曲日暮揚州芳草綠今年重午
朝天行黃崗驛路連薊城重午吾東作寒食人
家曉出原頭祭回頭松柏郭門北古墓無人來
掃灑白雲孤飛駐馬立天涯遊子征衫濕浮生
行役何時休重午年年催白頭

行到中和簡徐施伯

景李尚古

景兩進士

時俱在平壤

洛城曾約集箕城才到唐山眼却明明日大同

江上路一盃能待故人行

平壤館讀容齋先生集朝天東槎等錄有感而書

會祖會遊此古城晚迎華使少朝京練光亭迥深江淨浮碧樓高大野平舊業敢言能有繼遺篇轉覺苦難賡百年易過河山在落日登臺一愴情

平壤月夜酬贈西潭李達學官

逆旅相逢意却親誦君詩句捻清新燕山杳杳朝天路沮水悠悠避地身樽酒長安一見面兵

戈流落十經春明朝此會還陳迹坐到西巖墮玉輪

安州牧使崔令公權邀餞百祥樓二首

五月行人塵沒頭使君邀上百祥樓八窓風日無三伏一榻乾坤到十洲末路敢論同去魯壯年偏喜試觀周東還儻得 王程暇更擬憑闌豁客愁

城上丹梯躡紫氛層闌橫壓大江濱天長地闊三韓合嶽結川流二氣分客子登臨當落日英雄蹤迹捻浮雲願傾薩水添春酒一酌隋家百

萬軍

五月十六日書于郭山是日乃慈氏壽辰也

華山今已遠那得見家書愛日臨初度孤雲隔故閭壽筵常戲綵征路更霑裾感彼慈鴉哺吾生却不如

題義州館

五月二十一日到義州留十日

西出都城赴帝閣容亭何處望鄉園途中見月圓仍缺塞外逢霖晝亦昏三釜未成慈母養一官偏荷聖君恩漢陽正與遼陽隔戀闕思

家只斷魂

龍灣館雨中述懷題小屏上

征車日日促晨裝此去燕京隔漢陽古館禽聲人寂寂高城樹色野蒼蒼看雲萬里春暉短聽雨三更夏夜長未渡鴨江心欲折遼山西指又

他鄉

看雲即望白雲之意聽雨用風雨對床事

塞館無人晝閉關征驂暫駐鴨江灣頻呼小吏尋前路獨上高樓對晚山雲惹客愁飛漠漠雨和鄉淚滴潺潺北堂今日西回首却恨天涯久未還

次韻贈洪通判宜老

君名有義南陽人少能文已丑榜生

遭世亂慷慨投筆癸巳冬中武第今為義州府判官

平生班定遠未激丈夫肝許國心何壯談兵鬢未殘天涯暫相見客裏有餘歡因念東山卧吾今愧謝安

書容齋公集朝天錄後

錄中有贈東關劉秀才鐸詩

容祖朝燕百首詩玉堂清選少年時漁陽古郡悲天寶孤竹荒城吊伯夷自笑微官今已晚還怜遠役未全遲東關得見劉郎後儻識家聲庶不隳

公十八登第二十二差質正官訥十九釋褐今才三歲故云

奉次洪學長壽贈別詩韻

三十年前卧一丘爾來便覺此生浮北庭風雪偏多事西塞山川復遠遊地入遼河分虜界天圍燕樹拓皇州可怜行役何時了歸把漁竿釣碧流
客夢迢迢繞故丘年年歧路逐萍浮名慚太傅唯高卧病比長卿更倦遊遼海城臨奈紫塞蘄門天接禹青州况堪萬里衝三伏火日烘空石欲流

西來驛路盡青丘鴨綠長江蹴地浮天畔登臨

吾已老眼中零落昔同遊
燕山漠漠三千里漢
樹蒼蒼二十州明發更愁
西景迫白雲東望淚
雙流

洪崖高趣在丹丘身世悠悠生若浮
韞也韞汝

逃名酩酊醉者能樂道逍遙遊宋天平生幸識

此三子逸氣相傾無九州我欲同携謁天子

坐令四海皆安流

登統軍亭

六月龍灣積雨晴平明獨上統軍亭
茫茫大野淨天氣曲曲長江裂地形
宇宙百年人似蠶山

河萬里國如萍忽看白鶴西飛去疑是遼東舊
姓丁

城上高亭麗塞隅地分華界壯名區
江流浩浩西通海山勢迤迤北走胡
脚遍九州蓬轉遠眼空千劫鳥飛孤
今來古往登臨盡誰是人間大丈夫

翼朝當渡江西行洪通判夜持酒來餞

郵驂忽到鴨江邊燕路三千僅一
千箕子舊封臨水畫令威華表與雲
連長途病暍能多酌獨夜懷歸正少
眠沙峴驪歌腸已斷不堪窮塞又

離筵

六月初二日戊辰渡鴨綠江

落日嗚嗚盡角哀船頭初發櫓聲催箕封故國
三江隔秦塞長城萬里開驛吏送行齊悵望官
童臨別重徘徊平生不信銷魂語却向樽前更
盡杯

鴨綠江舟中聞冬至使書狀官睦禹卿長

司書已到所串館停船以待良久不至書

此留贈

木蘭舟上待行輒鴨綠江清颺白鷗念我忝登

龍虎榜與君俱入 帝王州嚴程率率須先發
旅館遲遲訝少留萬里同來不相見夕陽孤角
喚離愁

渡江歌五首

男兒弧矢四方志遊子何為悲故鄉天風吹我
渡江去快馬着鞭遼塞長
去年東海看日出今日西來朝玉京赤城玄圃
在何許我欲從此乘風行
北極神州壯 帝都流沙祝粟在庭衢海青山
下龍灣水畫出箕封別作區

遼陽大道接天平天上觀關高崢嶸下視三韓
一蟻垤是非毀譽蒼蠅聲

義州兒女送客去江頭白日雨淋淋行人今古
朝天恨松鶻山高鴨水深

渡鴨綠江宿磨兒谷書寄漢陽諸君子

西過鴨綠水北走幽燕城鄉土既云異客懷那
得平華音不可了塞俗堪堪驚萬里纒寸步忽
然歸恨并

絕域江重阻長亭月屢圓三山那可見石慮不
成眠伯仲皆殊界門閭欲暮年客中今日恨儻

有故人憐三山乃
三山

六月初三日湯站道中馬上困睡夢見家

中諸兄是日午憩二渡
河夕次乾河

去去天涯客昏昏馬上眠夢移鄉國近愁與道
途綿燧燧遼營外田園漢郭前諸兄俱在眼忽
復隔山川

六月初四日長嶺道上回望鳳凰山

馬頭西望鳳凰峯今日回看却在東悵悵客程
何處盡夕陽歸思杳長空

甕北河路傍柳陰下馬小憩是日宿
蛇梢河

一樹垂楊蔭道傍，停驂小坐借微涼。夢魂不解遼山遠，直渡龍灣入漢陽。

六月初五日早發蛇梢河，暮次連山關。

蛇河蓐食未鳴雞，卸馬連山鳥欲栖。日日促裝何日了，遼天無際薊雲迷。

鎮夷堡路中 即通遠堡

燕臺正在薊垣西，未渡遼河意已迷。赤日炎顏塵滿目，塞天何處息征蹄。

分水嶺 嶺前水皆東注，下于義州城外。後水則西注，不得流出鴨江。

山前流水各東流，流入鴨江流不休。無限客心

渾似水夢中，頻上夔州樓。

長嶺逶迤落日低，客情那得不悽悽。臨流欲寄

思鄉淚，從此奔川盡向西。

東自湯站西至分水嶺，山川縈紆原野平。

曠里落相望，民皆樂業頗有田園之趣。不

比邊塞之地。

遼陽莫說是邊封，塞下居民半老農。春盡郊園

禽語亂，日長山店樹陰重。終教朔野禾麻盛，便

覺皇家雨露濃。獨恨三江天作限，一屋無計

寄蹤。

塞垣還見好泉林八渡河邊境更深村落陰陰
多種柳郊原寂寂但鳴禽雨餘禾黍連平野日
暮牛羊下遠岑物色不殊鄉國異客行隨處惱
歸心

六月初六日雨朝發連山關夕次狼子山
昨日火雲烘赤曦今朝泥滑雨垂垂人生莫作
炎程客馬上陰晴恣不宜

高嶺

高嶺高高何鬱盤巖崖聳確逕回環我來一笑
叱御去勝比人間行路難

青石洞中得硯材寄贈義州洪通判

女媧補天有遺石擲在人間人莫識不然萬古
溪路側安得長如天碧色碧天如今無補處提
携只合寄君去君乎早加即墨封玉質不數陶
弘農我當歸時與之歸寫出朝天千首詩
誰知一片青山骨不是天孫機下石煩君斲作
陶泓面留待銀河槎上客

狼子山道中

過盡平原却渡溪亂山無數暝雲低此心日與
身相背家在天東路向西

東坡全集卷之二
六月初七日入遼東懷遠館紀行述懷近
體三首團練使之歸寄示漢陽諸君子

驅馬駸駸促曉征異鄉風物客魂驚將軍古墓
臨山路太子長河遶野營火日正逢三伏熱玉
輪行見二回盈平生只說遼陽遠西過遼陽更
幾程

日日晨興盡日馳前程欲數香難知地窮韃韜
風沙振天轉招搖節序移身健敢辭王事遠
家貧兼懼母年衰西來不復東回首故國歸心
恐益悲

明時敢作遠遊傷只是羈心戀故鄉關路無邊
塵撲面火輪當午汗翻漿虛名動世知何益薄
宦驅人到底忙遙想鄉隣舊交侶葛巾高卧北
窓涼

華表柱

華表柱頭丁令威去家千歲為誰歸青山不改
古城在白日無情人世非學得神仙有何樂向
來親故已全稀浮生任作累累塚不用冲天化
鶴飛

遼東歌

莫問遼東俗試聽老子歌有村皆種柳無水不
名河柵密雞豚長田平豆黍多居人喜剽竊其
奈客行何

留贈睦禹卿

鴈塔聯名子燕城並轡來交情應更重客路且
相催箕宿天文闊盤山地勢回思親萬端恨一
一待君開

發遼東

六月十二日作
留懷遠館五日

塞天回望路漫漫何處青山是馬韓征鐸東東
驢自去遼陽城外陣雲寒

鞍山

漢北城西角青山似馬鞍更堪遼塞路落日見
鞍山

六月十二日宿鞍山

一片東園月如何伴客行遼陽非故國不必盡
情明

六月十三日夜夢伯兄氏

時為高嶺僉使
是日宿海州衛

玉塞戎裝遠金臺使事遲乾坤萬餘里聚散兩
無期款款中宵語頎頎曩日姿覺來終是夢端
坐只添悲

六月十四日大雷雨留海州衛

西塞頑雲低四垌黑風吹雨倒滄溟雷霆霹靂
忽旬盛天地山川相晦冥名途蹭蹬去難進客
路驅馳行屢停此生身事每如此一日歸心逾
十齡

六月十四日朝雨夕晴夜坐無聊

驛亭逢大雨雨止月仍明路遠行多泥神傷坐
屢驚冥冥愁併起耿耿夢能成一日陰晴內無
因慰客情

六月十五日次牛家庄 即東昌堡

新安樓上月初團東望維揚夜倚闌今夕便驚
身更遠遼陽看月似新安

遼河行 自渡三叉河至千廣寧平原
廣野四望無際非莽然也

遼河之上皆平地西望北望平如砥長空草色
相連接千里蒼蒼復千里天邊不見有人烟但
見落日孤雲起我來四顧心茫然三角道峯何
處是策馬去去窮歲年思親淚滴遼河水

六月十六日次沙嶺 即西平堡

西平城上暮天晴東指辰韓看月生此夜家中
應不睡兩鄉相憶一般情

六月十七日次高平即鎮武堡

孤城日落雨新晴大野長天一樣平此地望鄉頭併白日輪還到夜深明

思親曲留高平作五月十八日

嗟我慈母年有如白日影日昊影易沒母衰年可求此日情將夕此心深自警胡爾膝下身乃反來遠聘為郎未是冗將命亦云幸所懷報勞瘁奈茲喜懼併客路阻且脩鄉國邈異境遲遲時攬轡渺渺屢引頸慈母在東土白日迫西嶺日行駒過隙母髮雪垂領倚門望遊子當復憂

思恸浮雲南北征千里只俄頃我邁一何緬我慮一何耿願言王事畢歸歟及頽景平生色養志庶不廢晨省

廣寧行寧遠伯李成棟時為提兵六月十九日入廣寧作

廣寧是雄鎮士馬最精強拔地旗亭峻連雲粉堞長土風喜馳射氓俗盛農桑形勢環滄海封疆闢大荒將軍專節制天子重關防列校分貔虎開營壓犬羊星流白羽箭電掣綠檀槍漠漠胡塵息堂堂漢道昌鏡歌閑部曲鼓吹闡康莊昔日戰征地今為遊俠場

六月二十日留廣寧出步城外北望醫無
閭山而作此屈原遠遊賦所云於微閭而
周禮東北曰幽州其山鎮曰醫無閭者是
也

拄策幽州路神山北望高一方雄作鎮五嶽小
如毫少日聞周禮開居誦楚騷目窮琪樹下

王事愧仙曹

說文云醫無
閭之珣珣琪

六月二十一日次閭陽驛

書記天山隔歲回馬頭風雪暗龍堆三生未了
人間苦又向遼西六月來

關王廟

關王本是漢將軍百戰英靈凜九原義膽平生
懸日月威名異代震乾坤陰兵助順神功著盛
典褒忠顯彌益祠屋巍然滿天下江東群鼠復
誰論

六月二十二日次十三山驛

炎天無日不征鞍宿處惟思一枕安坐筭前途
王事急旅懷還覺度宵難

六月二十三日午憇大凌河所夕次小凌
河所臨河小立遇景興懷率爾口號情見

于辭

平生慕真隱屏迹城東墅扁舟時引興烟月滿
江渚浮名却有力驅我燕山去黃塵萬里途赤
日三伏暑征鐸戴星發汨汨逐徒旅羸形變黎
黑羈抱向誰語凌河古渡頭下馬獨延佇是身
如別人鄉閭杳何許鷗鷺集回灣終非曩遊處
目送東歸雲遠愧漁樵侶

六月二十四日次杏山驛留一日

三伏長程困赤曦休時還不似行時征人一日
停驂地便是回期 日澤

六月二十六日發杏山午憇塔山所宿連

山驛二十七日午憇寧遠衛宿曹庄驛二

十八日次東關驛連日早發冒熱而行

天末烘霞捧日輪赤暉射地暗流塵正愁荒店
來衝暑更耐嚴程去犯晨六月幽州驢上夢十
年滄澤鷺邊身浮生一第成何事奔走殊方鬢

似銀滄澤在
汚川郡

六月二十九日乙未宿沙河驛是日
月晦

暮入沙河驛空城起夜愁無端五更雨旋報一
年秋去國驚新律思親怯遠遊此身乖宿計孤

坐但搔頭

關路行何遠郵村夜自幽不眠仍聽雨為客况
逢秋節物傷遲暮身謀笑謬悠歸期那可問猶
未入 皇州

沙河驛途中作自沙河西至葉家墳狗兒
河最是犍厲要衝之地賊騎竊發出沒無
時故行路之人必走馬以過

孰謂神京路還經絕塞城西南滄海闊咫尺黑
山橫防備此最急風沙時屢驚行人鞭馬以不
敢語高聲

七月初一日丙申宿高嶺驛

獨夜蘧廬正寂寥古城疎雨冷蕭蕭身隨汎梗
行何向心學懸旌坐自搖塞堠未窮山海館秋
風先度玉河橋歸時擬作閑居賦只恐華顛雪
共飄

七月初二日次山海館外池上賞蓮有懷

沔川田莊

深池在城下池水碧於蒼蓮葉何重疊蓮花相
間開魚兒時出汎客子故徘徊沔曲林塘好長
歌歸去來

長城篇

周亦一天下秦亦一天下綿綿八百年二世覆
宗社安危與興滅只在審取舍夷狄自古有豈
獨亂諸夏始皇吞六國不存孤寡等城萬餘
里僵屍遍野遶蛇陰山上榆中屬北假咸賓
著召訓薄伐詠宣雅備外內已耗率土如解瓦
書成李斯灰庶化趙高馬畢竟望夷宮誰是亡
秦者登障撫往事扼腕意難寫乃知蕭牆禍天
也非胡也一篇論秦詩遠續漢二賈

山海關

天下之東第一關薊門遼塞犬牙間樓觀日出
臨滄海城枕河流跨黑山胡地馬牛歸北慕漢
家雞狗雜西蠻秦平壽域民無事禾稼連雲鼓
鐸閑

遼河西出北匈奴山海雄關拱 帝都萬雉縹
垣圍大漠千家飛棟架長衢界分區域曰天險
混一車書得廟謨秦漢連年征戍地暮烟衰草
噪寒鳥

七月初三日入山海關

此行行邁幾時休三見天邊月似鈞獨鶴盤雲

迷落日亂蟬嘶柳報新秋身從作客朝朝瘦詩
到思親字字愁莫上高樓更東望鐵關深鎖石
城頭

奉贈趙雲野

邂逅前生定有期異鄉顏面莫相疑從來四海
皆兄弟况復三韓自父師逸氣飄然傾蓋地奇
遊况若汎槎時明朝一別還千里願得新詩慰
所思

附趙公自叙

鄙人姓趙名鶚字子鷲號雲野山海人由歲

貢第一萬曆四年除授曲陽縣儒學訓導七年
年陞山東招遠縣教諭十二年陞真定府深
州學正十五年陞登州府教授十七年移阜
平縣知縣僕性秉質實不會逢迎且仁慈寬
厚刑罰不敢濫施以致朝覲大查謂僕才力
不及至萬曆十九年致仕旋家今歸田園十
載餘矣幸有兩子在學繼業長名以旋年三
十九次子以旂年二十七孫五人國璧國璽
國璽國瑩國璧上二人生負下三人尚幼重
孫一今歲正月念九日生僕今歲七十三已

丑六月初十日生因問及不敢不書亦不敢
妄言僕素不能詩姑書此以贈幸收執以為
後日之念也

望海亭作

經營功力與天侔統合寰區 帝業優石作長
虹垂海口亭如孤鳥出雲頭關防控扼紆神筭
樽俎登臨破旅愁目極滄溟何處盡一塵毫末
九神州

城頭六月風倒吹下有不測之天池三島橫分
巨鼇背九輪側掛扶桑枝青山盡處欲飛動白

鳥去邊無際涯平生讀書五千卷望海亭中一

賦詩

七月初三日宿山海關西館初四日次深

河縣榆關驛初五日次撫寧縣蘆峯口驛

新月稍明夕坐偶詠

昨日一眉暮痕微今宵半壁清光湛秋戶看看
漸滿輪行人去去腰圍減

昨日昏黃下天末今宵曛黑掛屋角月光行到
夜深沒客曠轉輾何由着

題萬柳庄

庄乃故光祿寺監事李浣之別墅也在
永平府東肥水之北門外有柳萬株故
名焉

朱門深鎖夕陽中光祿豪華一夢空唯有萬株
楊柳在綠烟如織又春風
畫堂簾箔映池塘楊柳陰濃齒齒香步入石階
清坐久一蟬高樹報斜陽

書韓孺人節孝碑後

孺人韓氏監事李浣之妻也碑在萬柳
王翰休院庶吉士白瑜撰福建道監察

御史韓應庚書監事之歿孺人廬居三
年執喪盡禮庄後建一堂設祖舅舅父
及監事三位畫真朝夕薦香祭以四時
至性出天誠敬克殫以節孝稱於世鄉
人狀于府旌其門而豎之碑云

肥泉古塞路孝節孺人碑一室圖形祭三年哭
墓悲回鸞御史字華袞翰林辭天下閨門內芳
名白日垂

廬龍縣北柳陰陰節孝穹碑照古今一壁畫圖
三世像四時香火百年心太師字讓韓監察少

文辭慙白翰林碣石山崩肥水竭芳聲未為鎮
澆淫

射虎石

雲根一片虎威獐猿臂將軍石代名落月正彎
風忽起流星初辟地皆傾虹蜺射日餘生氣霹
靂轟天想殺聲茅土紛紛衛霍室至今垂涕惜
豪英

七月初六日入永平府

魏日盧龍郡秦家右北平通衢臨水轉高棟入
雲橫絕塞居中土雄州跨屬城隴西飛將在無

復樹威名

謂夷齊廟

昔讀伯夷傳今經孤竹城廟宮尊列代泥塑像
平生北海逃封遠西山就死輕高風兩不泯千
載揖餘清

夷齊廟作

辭粟曾聞餓首陽何因此地有祠堂平生獨守
君臣義精魄應歸父母鄉祀典春秋仍肅肅天
心好惡詎茫茫鷹揚牧野同時老終使田齊却
偕王

東坡集卷之二
三二
牧野熊羆勢莫當君臣一諫正綱常誰知八百
蒼姬鎮不賴磻溪賴首陽

宇宙浮生霹靂忙首陽薇蕨獨流芳當時一飽
周家粟千古灤河水自長

清節祠五言長句十四韻

雲嶺碧逶迤長河一曲竒古城孤竹國清節伯
夷祠白日輝金榜青松蔭石碑二公天下老百
代聖人師灑落秋霜氣軒騰海鶴姿對珪深揖
遜拂袂遠栖遲世隔蒼梧野時移太白旗君臣
異狂聖穹壤定尊卑獨立扶人紀英風振地維

從容叩馬諫蕭瑟採薇詩南北揚朱路蒼黃墨
翟絲高山那可仰澄玉本無緇列史光褒典
皇朝盛祀儀寂寥齊景駟天道不參差

題夷齊廟

南面尚相讓少肯北面爲父命與天倫二子俱
得宜周興採薇食介性終未移豈止激貪夫網
常賴不隲武王天下聖義士且非之後來莽大
夫奈何臣節虧紛紛厭梁肉磨滅誰復知餓夫
到今稱報施其在茲太史好議論天意焉得窺
唯有夫子語炳與日星垂曠代仰高躅驅車過

古祠山立儼遺像再拜心自砥凜冽有生氣常
如叩馬時岌岌孤竹城萬古清風吹

永平府西大灤河之上孤竹城在焉乃古孤
竹國也城中有夷齊廟建自唐玄宗時每歲
春秋祀以仲月歷代式遵著于甲令洪武九
年重新廟宇成化九年勅賜廟額曰清節祠
三臺殿穹崇金碧耀日塑像嶽立精魂如在廟
之東門扁曰廉頑西門扁曰立懦揖遜堂清
風臺邈清樓在於廟後下臨灤水山川清絕
風景蕭然入其門而拜于庭登其臺而坐其

樓仰耿光而起欽想峻節而興感魄動神竦
毛髮上指鄙萌自銷怯膽變勇皓皓若秋陽
暴而江漢濯飄飄乎不覺在塵埃中也但竊
觀廟碑伯夷曰昭義清惠公叔齊曰崇讓仁
惠公此乃元世祖所追封也夫二子者古之
逸民遜國以全仁諫伐以成義不與惡人言
不立惡人朝諸侯不得友天子不得臣窮天
地而特立與日月而爭光百世聞風貪夫亦
廉雖以周武王之聖旣不能粟其餓死况彼
區區胡元之爵烏得以羶其介哉九泉不昧

二靈有知當復憮然洗耳不暇豈忍一日加
諸其身至于 皇朝仍而存之何也夷狄之
君尚知敬慕其將以激來世感人心使明知
二子之賢乎褒崇之典能盡其美其亦不以
人廢言以示我 皇明至大無私之意乎謏
聞寡識未達鴻規竊爲二子若坐塗炭因書
鄙見以俟世之篤論君子者辨焉

七月初九日作是日乃生慈氏壽辰也

太史秋初立玉孫暮未歸異鄉逢壽日長路隔
慈闈寸草心偏折孤雲涕屢揮誰怜今夜夢猶

着老萊衣

七月初九日發榛子店宿豐潤縣郭近山
家

秋夜仍逢雨羈心正憶家壁空孤燭翳窓缺亂
風斜點滴魂俱斷蕭騷鬢半華二江還眼底不
覺萬山遮

次韻贈郭掾

郭掾名惟連號近山居于豐潤郭外少
爲邑功曹年老閑居家蓄書畫性喜花
卉常以棋陸聲樂爲之娛亦一隱君子

也投宿賓堂禮數頗寬臨別求詩意甚
殷勤走次壁上崔東臬韻書以奉贈云
近山村墅僻隣舍但姻親古壁開名畫閑庭絕
俗塵琴棋堪度日花草解留春小筭多幽致翻
思漢水濱

七月初十日午憇沙流河舖莫次玉田縣
藍田城外息征驂店蕭條半掩扉雨霽新蟬
依樹噪日沉孤鳥傍雲飛路經薊北秋先至家
隔天東夢獨歸悵悵三年再行役一官無賴鬢
毛稀

七月十一日午憇樂山店宿薊州漁陽驛
漁陽古驛薊門前坐筭歸程思渺然昨夜雨聲
今夜月秋來何處客安眠

漁陽歌

鮑參軍作

開元天寶一漁陽羯狗何能走大曆秋日荊州
白羽扇到頭戎馬出霓裳
郿塢漸臺逆必誅蠻夷雜種可窺覩羯奴十萬
猪兒手做得張巡烈大夫
士俗常從世教移薊門城下聽吾伊誰知天寶
風塵起只在楊妃賜浴池

勤政樓中掛繡帷金雞障護玉真兒漁陽一鼓
潼關破正是華清按舞時

七月十三日午憇公樂店夕次三河縣

一官羸挽走西東倦馬三河暮雨中黃泥蒲面
爭笑誰識滄浪舊釣翁

七月十四日午憇柳河屯夕入通州

夕入通州店情如到舍時亦知非我土只喜有
歸期北十皇城近西風客路遲明朝走馬去
玉幣奏天墀

七月十五日留通州乘夕登城門樓上翫

月而作

高樓獨上思依依秋雨新晴淨夕霏明月又從
今夜滿行人定得幾時歸丹樓繞郭香烟重白
舫透津燭燄微忽有賈兒吹鐵笛一聲驚起宿
鴉飛

通州行五首

雄州 帝畿內華屋鬱岩嶮舟楫通吳越風烟
接薊遼四方豪俠窟百代 聖明朝日晚歌鐘
起車塵漲赤霄

燕趙出美女幽并多俠兒喧然大都會相與競

奔馳綉戶青羅帳銀鞍白玉羈笙歌無日夜行
樂太平時

邑屋臨河上河流入海長帆檣蔽雲日車馬隘
康莊渠轉江南粟市戲天下商城門夜不閉燈
火爛星光

官路平如砥街頭柳條百屢奇貨別十里異
香飄比屋排銀榜重樓出錦幃朝霞與綺繡照
耀奪春嬌

天下舟車入關中第一州春風吹碧樹朝日照
紅樓家有萬金產人皆千戶侯時平謠俗好行

旅不知愁

七月十六日入北京

薊門烟樹遶居庸北極神都壯國容撲地閭屢
青海近隱天宮闕紫雲重詩書禮樂周風俗道
德皇王漢祖宗 萬曆太平端拱日廣庭鴛鴦
綴夔龍

早朝大明宮二首

七月二十日
開行見朝禮作

十二門開五色雲紫宸朝謁 玉皇君臚傳金
陛千官肅仗下瑤臺百隊分瑞旭影臨仙掌動
和風吹出御爐薰明庭正奏詔英曲直勝鈞天

夢裏聞

天子高居白玉樓紅雲常傍翠華浮仙官曉入
聯霞佩禁闈晴開列電矛袖惹爐香朝了暖杯
擎宮酒 聖恩優此身已到清都上何必乘槎
犯斗牛

朝天詞

吾聞黃河之源天上通海客乘槎昇碧空牽牛
丈夫織錦女物色不與人寰同滄溟東角黑子
地半世疑冰如夏蟲長風吹渡鴨綠水騎龍直
入 天皇宮 天皇高拱九重殿殿前一朶祥

雲紅玉臺金闕相對起璇題璧璫雕綺櫳銀潢
倒瀉太液沼珊瑚碧樹光玲瓏鈎陳蒼蒼華蓋
偃紫微玄武連穹崇羽衣瑤佩赤玉爲右揖金
母左木公雲門未闕奏廣樂鳳翥鸞翔烟霧濛
呼吸朝霞漱沈澗俯視積蘇塵土叢司空博物
豈虛誕天孫河鼓皆眼中方知我亦一客星不
必還訪成都市上賣卜翁

我生歎 玉河館門禁甚嚴人莫得出入

早秋苦熱鬱鬱煩酷戲書此自遣云

我生隘三韓况乃鎖一館重扉壯扁鐻圍堵切

星漢防衛限表裏閉蟄閱昏旦是時火用事孟
秋天又旱大陽曝寰宇谷糴俱已曠亭午炎氣
蒸直恐沙石爛深居正墻面裸體仍不冠呀喙
若牛喘縮頭學鼠竄彷徨起遶壁堂奧甚熾炭
僵卧要一寢氣蹙行踈散蒼蠅撲我頰白鳥啞
我腕膚肉困肥搔垢膩難漑灌坐待隆景反轉
輾宵未丰煩襟抱幽鬱暵死懼莫追綺陌連狹
斜玉河清且渙朱薨聳疊樹綠樹交脩幹迎風
拂珍簾礙日結絲幔文軒競過從廣廈留譙衍
金章映繡袍四座光凌亂新粧奪花艷妍唱弄

珠貫鷓絃響如雷鳳管吹不斷豈知愆陽暴但
惜日易旰苦樂異咫尺顏鬢催凋換我本窮巷
士遠在天東畔南臨阻漲海北走界溟瀚所見
數百里與遊止里閤斷編與敗冊朝暮對几案
跳梁井底蛙何路跨汗漫甕天三十載逸志若
羈絆適忝季札聘喜得子長觀駟騎渡鴨水鴻
濛劃剖判豈意入帝城局束類拘犴方今化
海外率上流渙汗四海一家內不冝置崖岸誰
能叩閭闔下令去堤埤闕鑰洞然開浮遊莫我
捍皇都盛文物國容赫以煥金城起峩峩鳳

闕屹輪奐九市雲錦堆百肆駢璀璨走馬十二
街縱目窮竒玩長嘯颯涼颼執熱快濯與璧宮
賢士關聖謨日星粲日與齊魯生滯義互問難
披霧覩青天茅塞斂冰泮空懷竟難果默坐徒
愁歎引領向雲霄安得生羽翰

玉河館病卧述懷二首

共說 帝鄉樂轉添羈客悲重門盡日鎖深館
見人稀萬戶鐘鼓饗九街車馬馳歸心如越鳥
長憶故林飛

旅邸三秋日藩鄉一病身墻陰槐影密庭寂鳥

聲頻壯觀知昭代深居愧遠人門前有大道歌
吹開城闕

玉河館外通遠大道也磨肩擊轂日夜喧

闕間巷歌呼之聲震於天地

闕闕隱隱復轟轟巷北巷南車馬聲公主莊園
御苑將軍池閣繞宮城笙歌九陌遊人鬧
簾幕千家霽月明誰念玉河東館裏鰈鄉書客
獨傷情

七月二十三日至二十五日陰雨不絕

夜入殘燈暗涼生古館幽蟲聲一階雨客夢萬

山秋洞僻青松老園空白鶴愁偶為簪組累回
眼愧林丘
三日燕城雨秋風入夜豪洒簾微震嗚砌亂
騷騷坐靜千家閉聲寒萬木號還如烏石浦蓬
底聽波濤

思親曲三首

望望遼東路依依漢陽樹丈夫遊四方何用戀
鄉土慈母在堂上鬢毛颯已素平生寸草心願
效慈烏哺云胡相別去星駕事馳騫公義在靡
盥私恩安得顧東還縱有期且恐西景暮燕京

無使至日夜淚如雨

兒行日復遙母年日復高兒歸日復遲母念日
復滋母念幾時畢只在兒歸日日昨母書到兒
其慎遠道今夜夢母顏兒乎好來還兒本為母
仕母老兒可止兒身已許國安得在母側年年
兒遠遊日日母深憂兒仕不救貧反令傷母神
嗚呼兒願違何以荅母慈

兒生才及丁母髮俱已皤縱令長在旁逝者餘
幾何況乃行役遠歟復日月多一夜九彷徨一
飯三滂沱陰風西北來吹動庭樹柯栖烏各驚

散飛鳴景方俄

八月初八日

去家今幾月今夜月還明雨霽秋空碧風生夕
景清應知半輪影併照兩鄉情旅榻渾無寐徒
勞數驛程

病卧書懷

竊第平生要悅親末班纔得遠遊頻爭將寸俸
供甘旨却遣慈顏念苦辛塞幕佐戎書隲歲
帝城街使病經旬行歸稍慰門閭望便賦閑居
不恨貧

夜卧無寐口占詠懷

西來四見月東生匡館秋深客意驚涼露不禁
侵秋濕暗蛩何事近床鳴清時謾負歸田計長
路偏傷去國情卧聽僕夫中夜語滿天風雪入
玉城

對月獨坐懷抱益惡不能成寢

夜黑思見月月明眠更遲旅懷俱未可不及在
家時

八月十五日夜不見月

帝城為客到中秋孤館寥寥夜轉幽直恐月明

難遣興豈知雲暗却生愁誰家長笛梅花落幾
屢清樽竹葉浮回首淚東成獨立曉風吹雨滿
西樓

南樓待月望東城河漢沉沉夜氣生細雨不饒
銀閣濕重雲偏如玉輪明一年節序三秋半千
里羈心百恨并華下沔陽荆樹會只應今夕共
陰晴

八月十六日夜月色甚佳

玉京秋半月華新丹桂婆婆滿一輪露濕暗莎
螢點小風生高樹鵲翻頻五更鍾鼓羈留地十

載江山落魄身此夜石湖應更好扁舟長笛屬
誰人家別墅
在烏石江

八月十七日一行詣闕參行 聖節賀禮

禮畢 宣賜酒飯於闕庭稽首謝恩而作

九城初日瑞雲曩庸拜彤庭百辟參黼黻星辰
璇極北榜航玉帛越裳南河清適際千年一嵩
壽齊呼萬歲三鰈域小臣陪獸舞內樽偏荷

濡恩

時瑞球使臣
亦與賀班

夜坐對月

白露垂珠浥軟紅綵雲飛散月當空滿城歌管

涼秋夜無限羈愁一館中

病卧呻吟不得作詩者殆十餘日

一庭槐葉起涼颼月上虛簷漏正遲堪笑旅人如蟋蟀苦吟終夕了無詩

病中寫懷

北馬那思越南禽不戀燕土風皆自習物性果難遷遠客縻深館清秋失壯年 帝鄉真可樂終憶漢陽塵

八月二十六日早朝詣闕祇受 欽賜綵

段衣服等物

遠捧芝函達紫微客情 王事兩無違心知返

面高堂日一室榮生 帝賜衣

奉贈琉球國使臣蔡長史

萬里琉球國會聞在海中 帝京逢使節王事度秋風地隔山川異天連雨露同南歸儻相憶回首月生東

書示睦禹卿書狀

山水平生絕賞音與君年分晚偏深同時便作朝天客異地俱懷愛日心塵榻不眠看曉月小窓相對聽秋霖何當故里還携手却說燕京伴

越吟

記夢

遠客三秋病寒蛩四壁鳴小亭臨漢曲烟月夢
中明

九月初一日乙未書于玉河館

一作西征賦三逢乙未辰雨昏梅正熟風落鴈

初賓 帝宅當玄武藩城並碧津歸期才隔日

更覺客愁新余以四月二十八日乙未離發
五京迄今乙未一百二十一日

玉河館留別睦禹卿

久客宜旋旆他鄉莫摻裾知君事未了別我意

何如落日思親淚深秋寄身書遼西早冰雪珍
重戒歸車

玉河館重贈睦禹卿

漢郭黃梅雨燕臺白露秋六千里道路四上日
淹留共說歸朝樂方知作客愁故人還滯此卒
歲奈無裘

次韻睦禹卿贈別之什二首

雲捲長空鴈陣排秋風正與客行偕暮年道路
聊銜命浮世功名可掛懷使事有程淹日下鄉
園無主隔天涯應知別後相思夜寒葉蕭蕭雨

滴堦

客中孤悶苦難排何幸朝京與子偕晚歲林泉
深託契異鄉風雨慣開懷華陽薄產天東畔遼
左遙程海北涯莫歎歸驂暫留滯會看鸞詔下
堦堦

九月初二日詣闕辭朝發玉河館次通州

七月十六日到館留凡四十有五日也

蠻館重扃坐一秋天庭黃色出皇州遙知東

广庭前樹烏鵲今朝噪不休

九月初三日書于通州

朝賀竣王事秋風出帝畿橐中新賜幣身
上舊縫衣驛樹清霜重津亭夕照微寄聲南去
鴈吾亦向東歸

曉發通州

策馬秋城犯曉霜白雲飛度塞天長途中預作
還家喜彩服登堂說帝鄉

九月初四日宿三河驛夜坐聞雨

獨坐郵亭寂深秋夜氣嚴亂蛩鳴暗壁踈雨滴
虛簷客日炎涼改親年喜懼兼無因問消息歸
路恨還添

東坡集卷之二
三十一
薊州道中

薊門霜落淡斜暉野樹連天葉亂飛月到北燕
三過蒲人隨南鴈一時歸長空眇眇無今古薄
俗紛紛有是非憶得湖鄉秋味別晚稷初熟鱖
蟹肥

九月初五日宿薊州夜雨

客卧何輾轉故園滄海東燭殘秋夜未門閉
亭空蟋蟀啼寒雨梧桐墜暗風年來蕭瑟恨况
是在途中

九月初六日次玉四

客路重陽近秋風故國遙寒花開驛店落葉覆
官橋異俗悲窮律微班愧盛朝祗應田舍侶鷄
黍共招邀

九月九日題沙河驛閑人劉九思家

信宿遷安野老家棗饊時節菊初花霜凋薊樹
寒雲斷水接遼天落鴈斜故里登臨如夢裏長
年奔走作生涯平林獨步歸程遠淚滴荒城咽
暮笳

霜籬紫菊映柴扉客次登高對夕暉衰草遍野
烟暮暮亂山富郭樹依依古丞兄弟空相憶彭

澤田園久未歸欲曲征衫供節意驛亭寥落酒
村稀

九月初十日作時因夫馬不齊

寂寞深秋日躊躇古驛城臨歸身且滯經亂意
多驚敢問安危體方添喜懼情塞鴻愁底事霜
曉共悲鳴

求平府道中

迢遞灣河上天晴野樹明風烟孤竹廟人物北
平城吊古仍秋日逢辰入客程斜陽一帳望霜
角遠飛聲

日落長河暝西風鴈叫霜去時逢七夕歸路過
重陽作客頻佳節思親獨異鄉諸兄壽堂上應
奉菊花觴

九月十一日宿永平府

鄉夢初回夜未殘流年轉光節頻闌征鴻叫月
聲聲苦病柳經霜葉葉寒王事攻論身事遠
客途還抵世途難傷時只恨謀生拙枉着青衫
負釣竿

九月十二日宿撫寧縣秀才王國定家夢

還王京

中夜夢忽覺秋深鞍馬間何言異地客能得片
時還珍重大兄語分明慈母顏孤懷向誰道坐
對小童頑

夢覺鄉關遠秋堂夜正長弟兄俱一室俄頃各
殊方顏色似相視語音猶未亡羈心不自定匡
坐聽寒螿

九月十三日次山海關內

日暮關河迫孤鴻過驛樓歸途仍百慮去國已
三秋燕地飛霜早遼天落木稠高堂得安穩應
更倚門愁

書贈趙雲野五言長句十五韻

趙公年七十白髮面如丹筆下千人屈曾中萬
卷蟠吏材居貢首儒術擅朝端國寶仍藏櫝名
程早掛冠後身彭澤令當日廣文官種菊開三
逕鳴琴樂一簞骨清仙鶴瘦心潔玉壺寒一識
真知幸重逢得盡歡松醪頻凸罍山果正堆盤
搖落燕霜冷淹留薊月團弊袍愁歲晏羸馬怯
途難雅論煩相慰羈懷賴自寬塞烟衰草暗戍
角曉星殘信宿情偏重離違滌欲決東來有使
節時為報平安

九月十五日留山海關趙雲野家夜坐述

懷題于壁上

秋滿關城木葉凋碧天如水暮迢迢并州舊舍
分孤竹碣石風雲接大遼去路直緣王事急
歸驂方覺客身遙家山在眼何時到坐對冰輪
又一宵

重贈趙雲野先生

山海城西店重來似舊隣道人偏愛士高榻慣
迎賓屋角霜華重墻根菊蘂新燒香三夜話臨
別各傷神

九月十六日出山海關次高嶺

白雪天山北黃花薊海東古關寒鑰閉危堞夕
烽通鴈沒孤雲外河明大野中年年窮磧路驅
馬逐漂蓬

高嶺主人家菊花盛開月下獨坐有懷寬
甫持世汝章諸君子

絕塞逢搖落佳辰怨別離
可堪霜月夜更對菊
花枝未泛淵明酒空歌希逸
詞三君眼中見坐
負一年期

月夜登高嶺城樓

黑山秋色墮黃榆關路無人白草枯日暗沙場
收戰馬霜寒粉堞起棲烏風烟慘慘長河迥星
漢亭亭片月孤城上戍兒愁不寐曉笳吹徹小
單于

九月十七日宿沙河驛是夕雨作

鴈落沙河暝蟲鳴野戍空故鄉秋色外荒驛雨
聲中寸祿常爲客窮愁易作翁閑居二十載一
褐卧松風

九月十八日次沙河所

塞平郵舍傍河湄短日沉雲落鴈遲霜重野營

頻擊柝月高山壘獨登陴少時膽氣年年減窮
磧秋陰事事悲正憶從軍青海北雪中橫槊賦
新詩

九月十九日發沙河所次寧遠衛

沙河城外北風疾塞鴈南征相背飛白日黃塵
滿天地馬韓孤客此時歸

寧遠衛途中遇大風

寧遠城邊大風起路上黃埃撲人面行人掩目
迷所適咫尺相逢不相見東西南北俱茫茫白
日無光失守縣何時風止天氣清直恐乾坤互

旋轉

九月二十日宿連山

塞霜如雪蒲平蕪月黑天長斷鴈呼城上銅鑊
頻警夜龍沙咫尺北單于

九月二十一日次杏山對菊有感

野菊清霜裏開花傍古城幽香伶隱逸晚節識
堅貞合與竹松種肯爭桃李榮柴桑骨已朽
迺佇獨含情

九月二十二日宿大凌河夜雨

古道緣河曲陰雲接野平秋山仍夜雨驛店是

邊城樹濕寒鴉定風回旅鴈征老兵捲蘆葉更
奏落梅聲

十三山道中

十三山下路西去又東還赫日燒雲赤繁霜着
葉殷天時一已改塞月五回彎憔悴青銅裏唯
應損舊顏

九月二十三日宿閭陽

古店寥寥暗曉缸踈星的透虛窓遼陽驛路
穿荒塞淚上秋風滿舊邦更鼓籠東頻報刻戍
笳哀怨不成腔思歸暫作滄洲夢月照蘆花嚙

鴨雙

九月二十四日次廣寧

西風吹客衣西日冷無輝塞木催黃落鄉山隔
翠微路遙如却步愁劇恐非歸潘掾悲秋作猶
聞在省闈

九月二十六日次盤山

草際霜風急斜陽照遠洲塞平雲不斷天迥樹
如浮病馬依寒隴昏鴉集古樓遼西幾千里一
步一新愁

高平道中

塞門衰柳葉片片馬前飛遼海鴈俱盡漢都人
未歸磧平秋草遍雲闊夕陽微惆悵辭家日雨
中梅子肥

九月二十七日宿沙嶺

古驛秋寥落邊風夜怒彌野平星點少樓迥柝
聲高倦鵲移深樹驚鳥起暗壕旅人還早發霜
露滿征袍

九月二十八日宿牛家庄是夜大雷電雨
雪

遼陽九月多北風日暮黑雲埋層空夜半霹靂

擊大塊列缺制手鞭隨豐隆天潢倒注雨聲急玉
屑千丈堆華嵩吾聞仲秋雷入地電光不謂照
雪中鞞轆浙瀝一夕裏玄冥祝融如爭雄五行
錯亂失其節二氣激薄何相蒙垂龍無乃好戲
劇復恐土候殊海東海東小子豈解事明發獨
坐憂天公

九月二十九日大風且雪海州衛道中作
遼陽秋大寒冰合長河水朔雪落滿空朔風刮
地起雲陰慘四塞砒色昏千里廣漠烟火絕烏
雀聚孤壘獨有遠征人日暮行未已

北風吹北極不周山欲折倒流百川水卷起萬
丈雪雪片散大漠天地凍雲黑四盼但蒼茫六
合寒一色我馬何處兢我僕瘦無力日落關塞
遠獨立冰河側

題海州衛驛店壁上

烏巾十載卧林巒萬事無營一室寬此日正知
官有味遼陽秋雪滿征鞍

九月三十日次鞍山

古塞寒烟暗戍樓亂風吹雪滿平洲行人今日
關心事驢背逢秋又送秋

十月初一日乙丑還到遼東

昔我往矣三伏中燭龍銜火燒天紅百川如沸
金石爛草木翠乾山欲童遼東之野夏無際路
上塵土飛濛濛羸僮倦馬喘不進舌呀口燥膏
液融今我來思冬十月壯陰奪陽寒氣隆凶颯
日夜簸坤軸沙礫飄揚氛靄濛遼東之水凍不
流平地雪堆連蒼穹縮頸呵手肌肉裂黑貂弊
裘徒蒙戎祝融顛頊若相厄我何獨賢天非公
吾聞上帝降大任要試斯人先阨窮魏甄落
竟無用奔走但知勞薄躬虞淵白駒疾如電王

蟾盈缺姮娥宮寒來暑往歲聿暮北去東還猶
轉蓬君不見遼東城外柳陰濃枝葉摧落彌悲
風何況浮生楫楫遠行邁誰能不作白頭翁

遼東懷遠館奉呈冬至使西坭柳尚書

左海千年拱玉臺詞臣三渡鴨江來燕都路遠
雄關阻鶴野秋寒疊雪堆一代盛名高士望九
天新命重卿才歸駟直與春風至會見扶桑復
豁開

公行兼有奏請備
倭之事故末句云

西坭相公辱賜和教至再至三盥手圭復
感竦無涯謹用元韻敢申微志以資一粲

尚書官重舊蘭臺二十年間兩去來龍塞風雲
山似簇鳳城宮闕繡成堆明時更作朝元使專
對應須蓋世才邂逅異方拚勝集愁顏一得向
公開

至日書雲迫魯臺遼城忽見使車來山蟠雙子
侵燕界水蹴三义後鴈堆離恨自生分袂地物
情方倚濟時才遙知曉入明庭賀十二門深九
殿開

列棘清陰俯栢臺星郎迢迢月卿來功名圖畫
麒麟閣世路風波惡瀕堆萬里自嗟催作別百

年寧有解怜才煩公儻記南曹掾東閣歸時為

一開

公時判禮部余為郎中故
首句云公册扈從功

玄冥雲物屬黃臺寒雨漫空作雪來謝女風前
看絮起蘇仙庭畔認益堆殊方正喜披清裁彩
筆還驚試妙才拙句敢言能繼和惟堪凍口一

回開

右和詠雪

清秋多病滯金臺驛騎初隨候鴈來遙塞黑雲
寒不散淺山紅葉亂成堆盛朝無用須安命薄
俗相輕肯愛才吟望不辭歸已晚菊花空負一
番開

一岸蘆花古釣臺秋風千里夢歸來江涵返照
金成柱雨洗平沙玉作堆白鳥有盟伶遠役青
雲無路愧微才小亭寒冷落今誰在盡日蓬門鎖
不開右答此湖柴庄之聯
余家亭子在玄石江

奉酬冬至使書狀官李士薰校理用前韻

金鑾學士老霜臺萬里乘槎八月來遼塞已看
飛雪片臘天何處打灰堆相逢豈必曾相識一
語偏驚第一才合把清樽待歸騎春風須趁早
梅開

青石嶺

磊磊山皆石當空僅得蹊行八共流汗積雪半
成泥險料函關敵高看劔閣低遼西厭平野却
此任攀躋

高嶺

高嶺高且險地形如蜀門嶺上復有嶺下馬相
攀援冰雪蒼崖滑藤蘿白日昏非懷東去興辛
苦豈堪論

十月初六日宿下高嶺

雪埋山逕夕陽昏
獬吠遙林有小村
茅舍老翁邀客宿
棘籬寒鵲向人翻
床頭燭燄明仍發
石

底泉流斷更喧認得峽中鄉俗好夜深猶不閉
衙門

連山關道中

關塞雖云遠居民自作村峽中皆惟石川上即
高原野約依沙嘴山田帶燒痕平生卜筮意到
處愛林園

連山古關路山擁境偏幽草屋依蒼壁柴門面
碧流雞豚晴自放黍稷晚全收秋盡村村淨樵
歌慰客愁

十月初七日次通遠堡西村晚步溪上

郭外橫溪迅溪頭屋對山魚跳明鏡裏木落彩
屏間谷暝牛羊下籬喧鳥雀還沙汀小佇立新
月伴人閑

十月初八日宿伯顏洞行到牛家庄雨雪
大作比至遼東天氣嚴沍自過分水嶺風
日妍和山川秀麗如一別區也

一嶺分南北河流曲幾灣孟冬天未雪窮塞地
皆山野樹長橋外人家夕照間更無烟火警旅
宿且開顏

湯站道中

赤日烘雲憶去時黃膏流作雨淋漓道旁暈死
吾甘分不怕霜風刮地吹

十月初九日宿細川

東指蚕峯路幾千忽聞明日渡龍淵羈心不信


鄉園近愁對遼天月又弦蚕峯即木覓山蚕頭
九龍淵在鳴江上流

松鷓山前望義州中間只有鴨江流此身不及
高飛鳥夜宿孤村又客愁

坐看樓頭月正南幾時雞唱更聞三還呼候吏
千回問明日龍灣恐謾談

十月初十日還渡鴨綠江書于舟中

故國三秋後行人萬里還 聖朝無警急慈母
且平安對酒身如夢臨流意自閑客愁兼客路
併盡此江干



古今圖書集成

卷之二

